


新文堂出版公司印行

叢書集成續編

二〇二

叢書集成續編 第二〇二冊目錄

文學類



詩話

鶚亭詩話一卷附錄一卷	清屠紳撰	江陰	一
蔭椿書屋詩話一卷	清師範撰	雲南	一九
春雪亭詩話一卷	清徐熊飛撰	吳興	三五
藥欄詩話二卷	清嚴廷中撰	雲南	四五
匏廬詩話三卷	清沈濤撰	橋南	七一
酌雅詩話二卷續編一卷	清陳偉勳撰	雲南	一七
梅崖詩話一卷	清郭兆麒撰	山右	一四九
筱園詩話四卷	清朱庭珍撰	雲南	一五九
詩法萃編十五卷	清許印芳輯	雲南	二二五
老生常談一卷	清延君壽撰	山右	五六一
蓉江詩序腋一卷	清顧季慈輯	陶社	五九一
雪橋詩話十二卷(一)(卷一至卷五)	清楊鍾義撰	求恕齋	六一五

鷓鴣

亭

詩

話

光緒己丑仲秋
汪陰金氏校刊

序

吾鄉乾嘉時人文極盛與吾家里居最近者爲屠笏巖
刺史刺史崛起田間以弱冠得甲科才名甚盛所交皆
一時名士旣而遠宦滇粵歿於京邸後嗣亦不振興替
之速若或使之迄今過西觀村者徘徊歎息猶能道其
軼事其所遺著述惟瑣蛸雜記及蟬史二種近年上海
以鉛板摹印而詩文遺稿鮮有存者光緒己丑夏彥保
明經在都門見滇西師君範所輯二餘堂叢書中有刺
史鶚亭詩話二卷彥保并於江上詩鈔中錄笏巖詩十

鶚亭詩話

序

五首郵以示余余觀詩話共三十六條不盡論詩每條
各署姓名而用筆之詼譎庸峭與瑣蛸雜記相似疑刺
史一手所爲也書雖小品終勝於小說家言因亟爲錄
本以傳並以詩附於後師君爲刺史部民兼門下士其
序是編以刺史五校鄉閭所得多知名士拳拳遺愛謂
刺史有以致之今爲之重刻雖彩鳳一毛亦足慰才人
於地下乎 先曾祖筆記及他人集中有涉刺史生平
者併錄附卷後俾閱者有可考焉光緒十五年己丑秋
仲同里後學金武祥

題詞

乾嘉間江陰屠笏巖刺史謨鶚亭詩話今年淮生運同
刻之粟香室叢書中持以示余書凡三十六條皆寓言
儲說之流而名以詩話殆不可解各條雖分署作者姓
名詞氣則如出一手貌淵奧而實平易與笏巖他所著
作頗復相類昔人疑篋中集詩皆出次山余於此書亦
不能無疑也然筆致通峭可喜孤行則傳否不可知入
之叢書則廣筵方丈忽見江珧不能不謂爲珍味運同
於鄉先進簪述力爲表章固笏巖身後之知己哉光緒

鶚亭詩話

題詞

己丑立秋日越人汪琰識

鵲亭詩話

粟香室叢書

江陰屠紳賢書

鵲論

謝三錫雪巖

文舉薦衡表鵲鳥累百不如一鵲之爲言諤也諾不如諤故名斯亭者其詞莊其容粹曰吾效鵲足矣鸞鳳雖美盛名易副乎吁此直薦賢之理

小戶逃

孫縉雲氏

蜀釀自戒邇至郡嗜飲者較他縣稍便然濡首日益夥酒人偏不自量也笏農來尹痛懲其俗俗以號吹爲戒

鵲亭詩話

一

有間招飲郡舍燭未屑寸食箸三四下聞有震地作嘔聲者某從隙窺之則尹也遽趨出明日詣郡曰小戶不勝大觥故逃遁焉或解嘲云逃者其福猶豫不決而坐以受困者悔可追乎某爲箴詞酒之國分其曹大戶叫小戶逃逃如伏殺叫如鼓刀以敗爲勝不在功高

判鬼僕

池映斗挹之

雨窗作危語客以談鬼請予憶在汪芝厓廉使署中僕周姓者方午浚於舍北荒院忽踣地作鬼哭聲湯藥者針灸者善符錄者禳治未效命且不測廉使偵知之

僕於庭以丹砂判詞云藐爾青衣在人爲僕居然藍面是鬼不雄誰從馬矢之餘含砂以射會見烏臺之上秉筆而誅返我清甯日馭有軒轅之鏡驅其妖蠶星官卽解多之精僕呻吟答云某前客僕也魂留滯不能去周溺吾面故粹之能以械繫彼三十刻當速去勿敢溷公矣廉使如所欲二更後始甦詢其事云吾就府君判命繫庭中耳曾不識臬君也三年廉使卒於戍

映山紅

閻季純希頴

舅氏坦園還郡日載紅杜鵑數十本植之中庭云此花

鵲亭詩話

二

在江南北則珍貴矣郡中惟此不甚希罕乃至名映山紅吾故惜之也命雲氏詠詩云映山花艸映朱幡頗似江南杏雨村安得費長房縮地稍移廳事傍山根星樓亦屬和云獨倚青琅玕忽逢山躑躅難銷杜宇魂夜夜吐紅玉似歸落不及雲氏而豔異過之

槐影

孫緯星樓

月三日文戰于鵲亭不雨而潤硯瑩然也不風而涼衣爽然也捧腹而哦仰見槐影蓋堂面西亭面南槐自堂而堂自亭而亭無與于客有得乎天而諛主人者必以

槐市翁遷槐里令擢槐安守晉槐卿爲詞槐顧影當自疑也

當局迷

馮承恩奎園

僕遊于龍洞喜其清幽坐巖下引盃自酌從遊一健兒云崖勢欲落不可留遂遷樹下旁有棘刺則又曰棘手物且有掛礙盍退一步噫當局者迷耳老兵果何知

小馮君

孫縉雲氏

五月十三日飲鵲亭眾賓各爲觴政奎園後出一令頗有京兆眉嫵及吏部貳閭想客有譏行檢者奎園曰吾

鵲亭詩話

三

固不識天上人地下鬼小馮君意氣那讓公等耶

捧心吟

馮文暉岱峰

暑熱破吾舌效刁存雅舌故事含雅黃連分許舌無恙矣冒寒結竟日命僕手推久不得解捧心吟云冷空摩腹原非病壘塊消時病自痊吾舌尙存心太苦腐儒莫吃雅黃連

結習

徐玉埜玠卿

奎園好射雲氏爲正直之一日在鵲亭側較勝負奎園屢負的喜形于色雲氏驟然笑曰君善射乎乃今始善

射乎夫欲多上人者吾輩結習耳觀笏巖射圃詩云能者兼眾勤彎弧習其天時還問得失以結嬰相緣角勝之思瞠乎後矣

乞毀碑

碑以德以功不以名利汲汲于名猶汲汲于利也營之則以致戾毀之或以禳災癸卯夏郡無雨其明年又以愁霖害稼爲恐尹將禱于神祠戒無宰殺有屠者投牒云牲畜飲食之患也碑碣縉紳之患也請先其大者後其小者尹詰之屠云丙火南向是能燭羣陰暄萬物之

鵲亭詩話

四

宰乃腹負之渠無盛德于民無豐功于國依南郭樹崇碑焉厭火甚矣乞毀之尹拱手稱善

聲色臭味

孫緯星樓

客問何聲最佳余曰小兒嬉笑聲老翁誦詩聲笏巖云聲之惡者市儈罵座聲婆師降神聲也客問何色最佳余曰樹頭風色鏡中山色笏巖云色之惡者被霜花色遭輿銅色也客問何臭最佳余曰寶劍之腥異書之澤笏巖云臭之惡者襍佩而聞麝濁醪而有椒也客問何味最佳余曰竹筍之美戎鹽之清笏巖云味之惡者五

侯之歸萬錢之簪也

手柔

屠 紳賢書

郡將王蘭曉所藏襄陽法書十數本無體不備有妙必臻蘭曉不律之事比於決射午餘爲字以千計選紙以十計大者如椀小視拳握磨硯者揮汗拭几者眩頭目蘭曉馳驟若風雨勇賈餘也余簡以詩云傳道南宮擁墨莊今歸王氏貯青箱晴窗健筆一揮灑大將手柔弓挽強

倉神傳

屠述濂南洲

鸛亭詩話

五

余每詣郡必舍于鸛亭癸卯臘既望雪下四鼓聞鸛亭西塌牆聲呼僕燭之則空倉被積雪壓而牆倒且地塌疑其下有蛇穴或碩鼠出沒也尋之得石匣開視楷澤如露字稍漶可讀蓋倉神傳也其詞云神名億庾姓賜氏於春秋時在晉曰駢其孥爲賈氏所侵世以不顯蜀之先有廩君者其宗也廩君死神抱其器自立號護儲公蹕之盜湏神雨粟三日助其餉唐宋之世中國虛耗神有功於西南夷蒙氏王大理神分遣使者詣郡國化爲土蠙據大國困如卮不漏如釜不竭蒙氏喜封之靈

官而圖其像人首而龍身元代版入中土神以蠻血食久不願受秩宗禮徙居野人界後子孫日蕃衍猶擁虛號而藏富不逮神郡國諸使並頽放無檢神不能左右以之豐功駁烈闐然盡矣時有鼠偁黠公子有蛇偁巴夫人因護儲族衰乘間竊發逐神之裔奄有其居神聞之而喟然曰吾不能復我邦族也吾其長爲野人之神矣乎遂不復返也篇中不著作者姓氏攷其語當在前代余用焚之而紀其事

虫圭

王懋賞晚蘭

鸛亭詩話

六

孔稚圭艸堂夜坐聞有鼓吹出于沮洳間啟戶叱之一青衣持刺前曰虫大將軍圭敬詣足下有頃將軍擲身入冠惠文冠後緣袍而前白紵目露芒采口哆然作艸木聲扣其世裔曰我之先虫本電也漢世虫氏襲侯電族未著憶先將軍以一怒思諸侯爲名邦矜式其裔亦淩夷衰微矣時欲不平則鳴徒聒人耳所謂躁人之詞多也何足道哉且趙無恤晉陽城中先將軍含水灌之決其竈情荀瑤之無成也王莽之世宗人子陽躍馬白帝城稍自誇大新息侯薄之夫叫囂者不足與圖大伯

業誠未可力爭我輩不得志甘爲艸澤之雄耳若春醴
秋蛭屈曲以避當道而卒見惡焉者我欲大聲以疾呼
矣雖族多不競有迷禪于元陰池者狀貌奇詭雖爲僧
而不免屠戮奚若坐井尊哉又或爲鄰里兒所延謂之
村學究以餬余口何不自振也我以公賞音故相訪且
以抒其躁妄之詞雅圭默然將軍起如廁杳無所見始
悟前者鼓吹一語將軍領之而欲以覲縷之說爲閣閣
者解穢也於是稚圭作討虫圭露布

鞠先生諒子文

馮承恩奎園

鸚鵡亭詩話

七

鞠先生者名英少得延年術嘗與木公造陶令三逕訂
有道交同時柳髯兄弟五君並以風流自喜陶揮之門
外不獲與二人友唐陸天隨子聚鞠先生之族而願卜
鄰焉惟杞姓者錯處其間字相望也先生壽既高益孤
寄無與偶宋王介甫吟楚辭一語以責歐陽九時不能
辨先生乃悻乎其容知其髦已及也進諸子而戒之曰
汝曹不殖將自落也其敦而安土以被夫化雨無害枝
葉以繩而祖武竹君雖老可以寄心符封家十八姨宜
款洽而不可以侮益處氏徙口之說毋聽之而徒自苦

也金紫之貴天所成黃白之削神所生蜂奪吾魄螳損
吾形蟬悲風則思命鶴警露則思誠夫惟韜精是能延
齡吁此真性命圭旨也

說雲

孫縉雲氏

雲可說乎曰可雲無形色天龍之氣爲之雲無晦明日
月之精爲之占雲者占龍也占日月也或曰山川出雲
漢人之說信乎曰何以出則龍也或曰雲行雨施日月
去遠矣公何引麗乎天者哉曰雲載乎雨其柄在龍而
能載者日月胚胎之非日月無以呈雲之能也故雲待
鸚鵡亭詩話

八

平賊紀畧

池映斗挹之

縣國在西南隅其君長穴居國人以剽竊爲生夜出晨
返禽之者或寢食其皮肉拔其鬚爲筆穎建子之歲縣
破烏斯藏攻小王子城治戎於版屋之上以馳逐搏擊
逞長技烏斯王赫然怒命苗帥討之苗帥者名多號虎
頭將軍其先韓國人竄西域因累世爲將討縣有殊勳
將軍生有異質毛被體如毳文采炳若每怒視則目光

如炬發聲如裂帛指爪銛利善縛諸部酋惟性嗜嗜晝
寢卓午目細若一髮占時暑無不合又老饒善噉生魚
宿肉及雞卵獲則飽而嬉其奉命討賊也登板屋逐之
絕而下蹙叱咤之白鬚上刺賊亟奔竄將軍力掣其項
殊死鬥三踊而逸將軍怒曰鼠子敢爾乃仰面仆地爲
受刑狀賊直前扼其吭將軍大吼手足合圍賊度不能
脫向背旋轉如碌碡毛血赤其庭將軍嚙其首啗之有
聲賊四肢猶栩栩動將軍尸其體於板屋而露布以告
諸部也嗚呼烈矣始賊未亡其族語公者居松州戒以

鶚亭詩話

九

無跳梁爲人所圖賊勿聽而惑於溷鄉侯一隅自大之
說故開板屋戮以及於難

凝香亭

徐玉埜玠卿

亭在郡廳事之東笏岩所謂東堂者是六月朔既雨而
霽雲氏命僕施坐具焉時聽城頭鼓聲初下雲漏卵色
風從蜀葵中來蟲響間作筵揮之而已談則岱峰精於
理笏岩精於氣雲氏星樓以老莊參之奎園衍朱陸異
同之旨皆妙諦也又希顏爲淮南神仙之論挹之爲鬼
董狐新編令客忘倦有秦聲出於東南者則富游戎小

伶演雜劇也頃之燈光熒於戶外不見其人雲氏曰此
必竈下嗇夫也其人憊而古知禮法彼不敢逕行吾亭
察之燈轉出後扉呼之以細語應夫何恭而謹愿若是
或賦其事云凝香亭下清談處墨鼓無聲萬慮澄誰似
廚頭老居士不眠深夜靜構燈

參軍鬼語

孫縉雲氏

千寶聞塚中鬼婢之論遂傳搜神儒者供談助而已惟
傳奇家好演其事一日郡小吏祀社神伶者爲唐太宗
還魂小說觀者如堵婦豎見閻羅主者旁列諸獮面人

鶚亭詩話

十

率悚然髮立又刀山血湖諸幻相復以手掩面而啼有
頃黑雲蔽日欲雨余雖秉儒性茲少惑焉參軍徐玠卿
云是非妄也吾亦見之參軍故誠懇無誑語曰我未三
十卽棄舉子業入貲爲郎神后之也會記二十七歲時
臥病三月卽昏寐不飲食言語醫人患之一夕覺有人
促予起者似隸卒狀引之出門心悵惘無所適欲還鄉
不可得所涉皆烟水鄉飛行可絕迹困極憩道旁如經
宿始甦見城闕闐然進一宮殿頗似曩所歷道院聞呼
名趨跪于階下殿中深黝不見人惟大聲霹靂謂爾已

20240914

22

離塵世矣余始哀怖又問殿中作溫語聲云爾祖掩骼之功不可以無報其益爾算還家可乎余首崩角請於神曰某榜中列名否神云無也輪祖起家耳余問祖父母算曰皆可二十四年命前隸送滯魂歸仍如前臥頃之扶病起始能辨室中老幼先大父坐於牀余叩以掩骼故事大父瞿然曰此事頗祕爾何由知之余以神貺告然私心竊喜祖父母可延三紀乃今皇帝龍飛之二十四年祖父母相繼卽世余益信神語不復事佔畢輪注今職也嗟乎是可以續千寶之書矣紀參軍鬼語

鵠亭詩話

七

鵠

謝三錫雪巖

鵠首七宿虞書星鳥之謂風詩薄之比于鵠以其善淫也夫鵠自爲配不若盧蒲慶氏之易內矣則淫而不亂焉惟變童嬖女凭閣之暇觀其友態而悅之者神蕩色駭情一發而理不可以止宜於鵠乎罪之鵠不節於內爲人所詬病士有悉其羽毛而賁賁者輒不自檢則又何也

銛公子

孫思庭坦園

沈休文作齊書夢和帝截其舌斷矣猶之剗剗宮罪之

而已不若從而馳驟之以縱其欲而卽于無忌憚之小人之尤爲久則躁誠人遠則化物非蒼蒼者界以才而奪之福耶若銛公子軼事可以慨矣公子姓金其舌自鼓如笙簧因以銛名族侈大在秦爲謠言氏在楚爲謠氏詠氏闢其教者漢周昌晉鄧艾也銛母夢細人懷而生銛能言時有神人過其門見之色然駭曰此讒星之精也其舌可柔鐵驗之益信神人取匕首刺其舌爲兩兩舌如蝮蛇形旣長昵乎其目黯乎其容而舌鋒所指無不靡者又能以兩舌左右卷或面迎而背攻也始公

鵠亭詩話

七

子交滿州郡競仰其能無何愛其舌者一二爲所刺羣振而唾其面公子佯忍之而心益險鷙無賴相與搆舌戰之禍其族有鈍生者卒爲所陷然公子亦疲於奔命矣一夕公子窺鏡見其身亦人也而面毛有角如夜叉兩舌轉側合如環出見舊所與游爭以大槌奮擊或投以澠器公子委頓以死兩舌爲盜所攫九藥迷路人而銛也鬼不靈矣哀哉

陋辨

馮文暉岱峰

徐玠卿書夢得陋室銘於壁笏巖爲陋辨曰室其外也

心其內也室陋則昏心陋則晦也晦于事則罔晦於理則諄也匹夫之容七尺之塊利盡必營勢窮適背詔彼厮養驕於儕輩山澤匪情風雲變態求盧過韓得馬忘代氣虧中滿骨靡旁潰顧我則笑陋其警欬受人之憐陋其曖昧惟庸故陋能進而能退也惟庸斯劣有亡而不悔也才不逮夫僉壬惡無殊於大慾聞者齒寒見而心悔陋者不足與談但言之而有慨也若居室之湫隘不能方其梗概也

江僊

徐玉堃玠卿

鶚亭詩話

十三

僊有七子貧不能鞠遂去不知所之其初吳門市人也五子俱冠惟二稚尤小日嬉戲無節陽春之月相率鳴紙鳶畏其翁知之也掩戶而謀若有窺於隙者嘆息而去是日失僊所在檢案頭得數十字乃以第六子屬其長君第七子屬其次君命撫之成立餘無所戒舉室號之親串不敢弔亦不敢賀或疑其下海船終身為島夷也又有傳天台采藥故事往來迷逕者嘖嘖焉人未之測太生刺史其第六子癸酉舉於鄉由廣文擢令牧前後垂三十年無讀禮之戚嘗欲以病乞休涉江海歷泰

華求其尊人竟不果勤其官而死為弄棟神先是其長君為少尹於嵩少間家已有子成進士由京秩出守乞假還鄉縣入嵩山道院小憩一披髮翁龐眉策杖呼太守與語曰汝憶吳閭江某乎太守失聲曰此吾祖名也叟何以識之翁大笑曰吾非他爾即吾孫也傳與俗人毋以神仙為妖妄言訖竟杳太守乃圖仙之像日夕香祝不能已云

十日想

屠紳笏岩

鶚亭詩話

十四

僕性褊急嘗與人角倅不可忍郡伯坦園先生曰非直忍而已忍之即入於陰險反不如角之僕詢何藥可治褊急之疾曰惟十思散可僕不之解曰無喜怒愛憎者非人情善有所拂但作十日想渙然而釋蓋理漸足而氣漸平也謂之十思散

金銀花氣

徐玉堃玠卿

花色如黃白二米故名金銀實則耐冬花也一夕於東堂月出時晤之頰而深淺紅者為蜀葵蒙茸落盡猶舞者為虞兮已謝餘陳根者為鼠姑婪尾未殖而葉黃隕者為菊舉無香氣椒若蘭若夜來香若嗅而疑之雲

氏爲偈語云花香自鼻觀無感更無寂臭味於金蘭得
非氣者逆笏岩豎指云金銀花笑人人不見金銀妙想
不可說我身比花身或解之曰此金銀禪也

稗賦

邵倫清鑑堂

亦風亦露時秀時實有艸名稗爲禾所嫉吾謂其熟也
何得而鉏也何失較錙銖而尚輕以籠糲而爲質祝哽
者再而三療飢者十之一剔齒而惡其疏齧牙而傷於
密饘不潔於廚醴不馨於室苟視舌之尙存雖充腸而
遑恤亂曰如苗滿畦今似穀盈盤以繁有子今以細名
鶚亭詩話

圭

官惟聖者能惡莠今惟賢者能鉏蘭我行野而嘆息今
悲嘉禾之獨難

柳溪

池映斗挹之

芒部北柳溪小村落也坦園郡伯以公事至其地占四
絕云竹籬茅舍自清幽客到黃昏古渡頭忘卻征途人
況瘁今宵且喜枕寒流軒外鳴禽水際烟淩虛一閣更
超然醉來不覺演雲遠疑坐江南載酒船深林仄徑少
人行漁火星星向晚明何事關心渾不寐憐他夜雨落
檐聲疊翠環鋪院落西無邊竹樹拂長隄懽然一宿難

爲別何日重來過柳溪馮岱峰父子俱屬和

盜有道

盜亦有道雲氏論其事云前明鄖陽山中多大猾集其
徒以千計分渠領之有所偵掠一竹矢號召越嶺度溪
經宿數百里鄖撫闕名某嘗以夏月納涼庭中月黑燈
耿一物自檐下疾趨梓撫軍則白于思而黑衣人也手
利匕首如雪撫軍駭極乞所欲曰以白銀二百爲贖物
者吾貸汝卽如敎黑衣人騰而起如鼓翼狀入晦冥不
見撫軍募善捕人數十輩縣重賞不獲鞭撻血其背妻

鶚亭詩話

夫

子械於獄或舉舊獄卒以進年七十餘矣先以老病退
至是召之來自偁願攜三月糧入山谷盜可致也從之
老卒肩臥具芒履徑去行數日經一山市人異其語舍
異其食卒登肆大瞰醉後作惡聲卽有酒家胡數人縛
之去其渠執訊於庭老卒匍匐以所事告仰睇渠貌圓
目黃眉面狹而背稜起白髭染綠根尙半露如五六十
歲人跌坐臯比儼沐猴而冠也然四十年前曾與老卒
有胠篋之交遂自掖以起亟以竹矢稽其黨越宿引一
白晢者進謁年可十七八許頤輔若女郎其渠叱之叩

頭謝謂老卒曰是兒即白于思人也前者竊與撫軍戲耳蓋白鬚乃其盜具留老卒信宿而別謂汝歸語撫軍無多楊掠捕人也吾徒已原璧歸趙矣某雖豪客頗嗜名幸以敵國視我誓不負早晚歸命朝廷取都督印如反掌耳老卒惘然出谷見撫軍殊未有言撫軍曰疇昔之夜見黑衣人還所攫而去矣計其時即叩頭謝渠之日也計程三百里遙斯盜也何道也

巴布馬先生

張蔭培翼齋

馬惺叁洲于人未嘗有所憾否笏岩初尚疑之後於稠

鵲亭詩話

七

人中見惺叁終日無一語冠履秩秩無情容有虎而冠者曾與游處歲餘無故輒毀惺叁笏岩以告將有以窺惺叁也乃俛焉若愧仰焉若思曰吾有過乎哉過也苦不自知也詞色間靜無毫忽愠意家畜一僕爲黠夷所畧入巴布巴布者川南夷落也其酋聞惺叁行高放之還時人名之曰巴布馬先生

貪羊

屠 紳笏岩

貪畜性也何怪乎爾弱之肉強之食未聞倒而行之且不食肉而茹毛其饕之奇而不法者耶尉曹壘叁馬不

瘠而充其尾吾疑之翌叁云鬚鬚者羊食之矣夫馬尾何害而羊惡之食馬尾何補而羊甘之使長喙主簿而盡若此也不特房駟之精自危凡蠶者無完膚脰者無全體突然則觸貪羊者宜何如自惜焉

燒香詞

孫 緯星樓

上已城南元寶山遊者駢集謝雪岩廣文作燒香詞云千山寶氣一山浮三月風光三日柔不見天梯舊遊伴南峰尋到北峰頭桃花李花年復年每逢時節禮天元也知心蕩魔難蕩入道風鬟又可憐白面郎從烏撒來披裘一躍上春臺日斜只索支離去爲有城中小隊催已歌激楚是秦聲曲到迎神氣未平何似蠻村簫鼓夜一番花信候清明

魚腸美

孫 縉雲氏

泉出山腹中亦此邦之丙穴也魚則龍見而出虹藏而沒旱甚則燂其脂霖多則腐其骨非罟師而能耽耽爲釣者之所咄咄或垂綸於風投餌於月文牽乎荇藻光鑒我毛髮翠金涎流品盤飴滑受之幸以薑被其澤以膾小戶之胸攸老饕之興勃恨不禱於龍公時能驅以

猿獼者也魚腸之美淫僻之縷柔不厭乎九迴肥必充
乎六腑誰能轉之轉輾而若織綺綺組短長之故難量
曲直之形可數精心獨潔潔意自吐膏凝鳳髓珍過龍
乳夫魚卒爲人所烹腸雖美而何取哉

無言

馮文暉岱峰

雪岩遠出還郡笏岩出白紙簪書云兩日不面見各默
然吾欲叩數君名君不能舉君轉以他事叩吾吾隨舉
輒斷如霞起天外因風吹散時雪氏在座高詠落花無
言人澹如菊之句

鶚亭詩話

九

二岩

馬洲星三

大岩洞石樹森疏時有虎豹攫人之想然郡北秀蔚以
此傳首一蜀士刻石壁云岩何名大聞此邦有二岩深
以不遇爲悵下註云雪岩笏岩岬岬過峻則有之矣如
大岩洞之虎豹在山行者滋懼可乎馮子奎圖曰果有
文也而虎豹何害

鬼雄

屠紳笏岩

七月夜將半眾星旋西燦銀濯漢蟋蟀之族颯響頻換
主人方將追步虛之聲酌沆窪而仰望有客四人倚戶

永嘆主人揖而進之知見虎豹熊羆而色駭背汗也四
人曰僕等生無功德於民而有僥有椒死何憎惡於君
而魂之不招酒之不饒君視之如木偶恐得罪於驃姚
也主人叱曰汝爲帥而債爲鬼英雄生徒烈於几上死
宜入於瓮中麾使出戶化爲飄風呼僕然燭以誅其蹤
閣北隅之廚有四木主而塵封廓則黝黑中飾竊紅官
銜用其長若挂壁之蜈蚣曰祿與位不知何所折衷焉
主人舉烈腥出於戶僕以手掩口求四人立談之處竹
柏寂然高臥如故

鶚亭詩話

三

雙鶴堂

程應璜抑谷

鶚亭舊爲雙鶴堂更今名自僕始壬癸之歲邑政多暇
於是以期以翔一鶴也亦未有其匹顧茲堂有雙鶴之
說何居或云前令君以雙鶴畜于堂陰故名噫左矣爲
支遁耶則神駿之勿憐何有于鶴爲林逋耶則未有無
梅妻而僅有鶴子者夫名旣無謂謂之支支詞害政僕
得而易之矣士貴無雙一鶚已足斯鶚亭之謂乎笏岩
故接踵而起者有鶚之風雪岩與僕同好著鶚之論表
章前事匪賢者勿爲工固也甲辰冬笏岩以詩話見示

僕詢以鶚亭更名所由笏岩惘惘僕云前此爲雙鶴堂
乃易於我笏岩曰滔滔者皆雙鶴也宜先生之放鶴而
薦鶚也僕在鶚亭無奇人無奇事故佳話不一傳笏岩
則鳴而和者眾矣殆一鶚而鶚鳥從之遊乎行役長淮
向笏岩索所見詩話搜檢無有疑爲靈鳥攫之而去今
年笏岩出諸懷而與且請志簡末僕欣然曰諾哉諾哉
笏岩與僕其合之爲一鶚分之爲雙鶴者哉嗟乎此更
其亭名之意也

跋

光緒丁亥冬有以二餘堂叢書求售者內有鶚亭詩話
一種吾鄉屠笏巖先生所輯也時貧甚心欲之而力不
能購新吾部郎察其隱乃購而置之齋頭因得於課徒
之暇借而鈔之又詩十五首係從江上詩鈔中錄出者
附之於後以示吉光片羽皆所珍惜也伏念笏巖先生
生當極盛之世領鄉薦捷南宮厯官邊省者數十年五
校瀕闈所得多知名士則其文章政績當必有卓卓可
觀者乃距先生之歿甫將百年而詢之里人已無人能

道其詳者卽此區區詩話苟非荔扉氏刻之叢書恐亦
早已化爲烏有矣則由先生而上推之百年以前之鄉
賢遺著其湮沒不彰者可勝道哉鄉後學夏勤邦識

附錄

余家半里許西觀村屠氏世業農乾隆壬午癸未屠氏子名紳字笏巖鄉會聯捷授雲南師宗令擢尋甸州牧今任廣州別駕余聞之故老曰善無不報遲速有時屠氏發祥遲之又久矣方笏巖之祖六吉年三十餘僅舉一子尚幼薄暮偶戲鄰人田畔鄰適舉鋤無意間劓兒頂兒立斃鄰大駭已有人犇告六吉鄰望見六吉來自念破家亡身禍在旦夕因大號六吉至曰汝何爲者吾兒之死命也命可逃乎何與汝事汝歸休乎吾自收吾

鵲亭詩話

附錄

一

兒卽遣人收兒尸若爲病故也者鄰深不自安晨夕一炷香願翁速生貴子越歲餘笏巖之父觀文生成謂天道昭彰宜享美報觀文年二十餘讀書通曉翁遣人鄰時先君子官助教遂師事先君先君以其爲善人之後將提挈之居無何暴疾卒先君哭之慟僉謂彼蒼蒼天報施或爽矣笏巖幼孤資質聰敏蚤擅才名年十三遊邑庠十九捷鄉薦二十成進士翁以

覃恩膺 誥命德配顧氏贈太宜人余又聞之屠氏之發祥也不惟是六吉翁之大善感神也顧太宜人佐理

家事待人接物仁厚性成每鄰人來告糴必滿其升斗

而不計其值遇貧者則往往負米麥至家而錢文出諸

囊底焉如是者數十年不倦其積功累行福報烏可量

哉嗟乎翁之善善之大者母之善善之久者大與久其

他概可知矣兩美必合信夫然則科第之不可倖邀而

善事之不可不勉不於其身必於其子孫理有固然無

足異者歲丁未笏巖遷尋甸州牧入覲回滇過常郡余

與晤於蔣潁州太守立庵齋燈昏畫燭鼓打譙樓爲余

歌赤壁賦余填鳳凰臺上憶吹簫贈之云千古眉山兩

鵲亭詩話

附錄

二

番赤壁而今遇此風流想賦詩橫槊百萬貔貅羽扇綸

巾談笑東來鶴西望旌旂君休悵吹簫客去遺響還留

悠悠十年報最聽竹馬兒童和此清謳奈青衫寄跡黃

卷埋頭愧我從前盛氣蹉跎矣酒也合愁彈鵲取江流

有聲一葉扁舟迄今魚雁音乖雲山望杳四方奔走故

我依然而每憶浩歌猶覺洋洋盈耳也

守一齋客窗筆記

屠州守紳詩如栽盆紅藥清沼文魚

北江詩話

屠刺史紳生平好色正室至四五娶妾媵仍不在此數

卒以此得暴疾卒余久之哭以詩云閒情宛在韓光政